

# IPUIYAK <sup>1</sup>



## ARROSA

Arrosa guztiz eder freskua  
 arkitzen zan baratxian,  
 zeren ondotik pasarik asko  
 begira gelditzen ziran;  
 berak etzuben uste oberik  
 iñon arkitzen zanikan  
 an ikusitzen etzuben onek  
 bera bezelakorikan;  
 beste arrosa ingurukuak  
 zuten onen inbiriya,  
 zergatik aiñ zan arrosa eder  
 eta begiragarriya;  
 nola zekiyen beti begira  
 etzizaizkala aspertzen,  
 eta baratza berak bakarrik  
 dana zubela edertzen;  
 beste arrosak iñola ere  
 ezin zituben ikusi,  
 eta modu onetan tentatzen  
 bertatikan au zan asi;  
 esanaz: ¿Zertan zaute zokuan  
 arros triste itsusiyak?

(1) Fábulas señalada con *mención honorífica* en los Juegos florales celebrados en esta Ciudad en 1892.

dirudizute bestek nai ezta  
 or bazterrian utziyak;  
 nere onduan oso zatarrak  
 dezute danak ematen,  
 eztakit nola ortik aiziak  
 etzaituzten eramaten;  
 itz abek esaten arizala  
 zuben aiziak okertu,  
 eta ostorikan ederrenak  
 beriala lurreratu.

. . . . .  
 . . . . .  
 . . . . .

Modu ontan eder askori  
 onela zayo gertatzen,  
 beste guztiyak charragokotzat  
 dituzte bai irukitzen;  
 uste izanik berak bakarrik  
 dutela dana edertzen,  
 askotan gauza chikiyenakiñ  
 betiko dira okertzen.

## BI SAGUAK

Zulo batetik bat egunero  
 zan kanpora ateratzen,  
 eta beretzat naiko jakiya  
 betiko zuben billatzen;  
 beste gašua etzan beñere  
 zulotikan ateratzen,  
 ura kanpora ateratzian  
 bakarrikan zan gelditzen;  
 beti zerjana naikua zuben  
 arek beretzat ekartzen,  
 eta geyegi izanikanen  
 alperrik zuben galdutzen;